



Vjernik koji uči Kur'an je kao citrus - miris mu je lijep, a i okus prijatan, a vjernik koji ne uči Kur'an je poput datule - ona nema mirisa, ali njen je okus lijep i sladak

Ebu Musa El-Eš'ari, radijallahu anhu, je rekao: "Allahov Poslanik, sallallahu 'alejhi ve sellem, je kazao: "Vjernik koji uči Kur'an je kao citrus - miris mu je lijep, a i okus prijatan, a vjernik koji ne uči Kur'an je poput datule - ona nema mirisa, ali njen je okus lijep i sladak. Munafik koji uči Kur'an je poput bosiljka, čiji je miris lijep, a okus mu je gorak, a munafik koji ne uči Kur'an je kao divlja tikvica, koja nema nikakvog mirisa, a njen je okus gorak."

[صحيح] [متفق عليه]

Allahov Poslanik, sallallahu alejhi ve sellem, nam pojašnjava da se ljudi mogu podijeliti u nekoliko skupina kada je posrijedi učenje Kur'ana i korist od njega. Prva skupina: vjernik koji uči Kur'an i ima koristi od njega. On je poput citrusa, prijatnog ukusa i mirisa, te lijepe boje. Njegove koristi su mnogobrojne, budući da on postupa u skladu sa onim što uči i drugim ljudima koristi. Druga skupina: vjernik koji ne uči Kur'an. On je poput hurme čiji je ukus slastan, ali nikakvog mirisa nema. Srce ovog vjernika sadrži iman kao što hurma ima prijatan ukus, ali nema nikakvog mirisa kojeg ljudi mogu osjetiti s obzirom da on ne uči Kur'an. Treća skupina: munafik koji uči Kur'an. On je poput bosiljka koji ima lijep miris, ali mu je okus gorak. Munafik, prema tome, nije popravio svoje srce sa vjerovanjem, jer ne postupa po Kur'anu, ali se ljudima prikazuje kao vjernik koji uči Kur'an što ljudima daje utisak da je mirišljiv. Četvrta skupina: munafik koji ne uči Kur'an. Divlja tikvica odgovara njegovom opisu budući da nema ni osvježavajućeg mirisa, a niti prijatnog okusa. Njegovo neučenje Kur'ana je nalik divljoj tikvici koja nema lijepog mirisa, a njegovo nevjerstvo odgovara gorčini njenog okusa. Dakle, njegova nutrina je imanski prazna, a vanjšina mu je beskorisna, pa čak i štetna.

<https://www.sunnah.global/hadeeth/bs/show/6258>

